

## **К ОПУБЛИКОВАНИЮ**

### **КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ**

#### **Коми Республикаса**

#### **экономика сӧвмӧдан да промышленность министерство йылысь**

«Коми Республикаса Юралысь, Коми Республикаса Веськӧдлан котыр да Коми Республикаса олӧмӧ пӧртысь власьт системаын органьяс йылысь» Коми Республикаса Оланпаслӧн 21 статья подув вылын Коми Республикаса Веськӧдлан котыр шуис:

1. Вынсӧдны Коми Республикаса экономика сӧвмӧдан да промышленность министерство йылысь положение 1 №-а содтӧд серти.

2. Сетны Коми Республикаса экономика сӧвмӧдан да промышленность министерстволы Коми Республикаса ӧткымын канму учреждение учредитысьлысь уджъяссӧ да уджмогъяссӧ 2 №-а содтӧдын индӧм лыддьӧг серти.

3. Пыртны «Коми Республикаса экономика сӧвмӧдны отсалан шӧрин» Коми Республикаса канму сьӧмкуд учреждениелысь сикассӧ вежӧмӧн «Коми Республикаса экономика сӧвмӧдны отсалан шӧрин» Коми Республикаса канму учреждение артмӧдӧм йылысь» Коми Республикаса Веськӧдлан котырлӧн 2011 во вӧльгым тӧлысь 14 лунся 508 №-а шуӧмӧ татшӧм вежсьӧм:

2 пункт киритны.

4. Лыддыны вынтӧмӧн Коми Республикаса Веськӧдлан котырлысь ӧткымын шуӧм 3 №-а содтӧдын индӧм лыддьӧг серти.

5. Тайӧ шуӧмыс вынсялӧ сійӧс официальной йӧзӧдан лунсянь, тайӧ пунктса мӧд абзацын индӧм положениеяс кындзи.

1 №-а содтöдын 10 пунктлöн 10.10 да 10.22 пунктувъясса, 11 пунктса, 17 пунктлöн 10 пунктуса, 18 пунктса положениеясыс вынсялöны 2021 вося тöвшöр тöлысь 1 лунсянь.

Коми Республикаса Веськöдлан котырöн  
Юрнуöдысьöс Медводдза вежысь

И. Булатов

Сыктывкар

2020 вося вöльгым тöлысь 5 лун

542 №

ВЫНСЬӦДӦМА

Коми Республикаса Веськӧдлан котырлӧн

2020 во вӧльгым тӧлысь 5 лунся 542 №-а шуӧмӧн

(1 №-а содтӧд)

Коми Республикаса экономика сӧвмӧдан  
да промышленность министерство йылысь

## **ПОЛОЖЕНИЕ**

I. Панас

1. Коми Республикаса экономика сӧвмӧдан да промышленность министерство (Коми Республикаса экономика сӧвмӧдан министерство) (водзӧ – Министерство) лоӧ Коми Республикаса олӧмӧ пӧртысь власьт органӧн, кодӧ пӧртӧ олӧмӧ канму политика лӧсьӧдӧм серти, канмусянь ладмӧдан мераяс збыльмӧдӧм серти уджъяс, та лыдын Коми Республикаӧс социальной да экономика боксянь сӧвмӧдӧмсӧ анализируйтан, стратегическӧя планируйтан да прогнозируйтан, Коми Республика мутасын канму-аспом уджӧертасян, ичӧт да шӧр предпринимательство сӧвмӧдан, ладмӧдан тӧдчӧмсӧ донъялан, инвестиционной да инновационной удж нуӧдан, инвестицияс кыскан, Коми Республика мутасын инвестиционной проектяс збыльмӧдӧмсӧ нуӧдан, инвестиционной, производственной да инновационной инфраструктура лӧсьӧдан проектяс збыльмӧдан, канму да муниципальной услугаяс сетан, проектной удж котыртан, уджысь мынтысян (Коми Республикаса канму гражданской служащӧйяслы да Коми Республикаын муниципальной служащӧйяслы уджысь мынтысьӧм кындзи), торъя мога уджтасьяс планируйтан, Коми Республикаса экономика мобилизационнӧя дасьтан сфераын да мусир, биару, горнорудной, из шом, кокни промышленность,

вөр промышленной комплекс, машина вочан, стрөитчан материалъяс, изделиеяс да конструкцияяс вочан промышленность, транспорт, импорт вежны отсалан, челядылы вузос вочан индустрия совмодан сфераын (юкөнъясын) нормативной да инода ладмодом, Министерстволон компетенцияын канму услугаяс сетом серти уджъяс, а сідзжө Коми Республикаса олөмө пörтысь власьт органон, кодос уполномочитөма збыльмодны съод кортулов, рөма кортулов жуглас чукортөм, видзөм, переработайтөм да иналөм серти удж вөчигон лицензионной корөмъясө кутчысьөм бөрся лицензионной контроль, Коми Республика мутасын пассажирьясөс да туй көлуй легкөвой таксион новлөдлөм бөрся дінмуын канму контроль, аслас компетенцияын вермытөмъяслы транспорт инфраструктура объектъясон водитчыны да легкөвой таксион пассажирьясөс да туй көлуй новлөдлан юкөнын сетан услугаяс босьтны позянлунсө могмөдом бөрся канму контроль (дөзьөр) збыльмөдом серти уджъяс, а сідзжө Коми Республикаса олөмө пörтысь власьт уполномочитөм органон, коді координируйтө тайө сфераясын (юкөнъясын) Коми Республикаса мукөд олөмө пörтысь власьт органлысь уджсө.

Министерство збыльмөдө Коми Республикаын дінму проектной офислысь уджъяссө да уджмогъяссө.

2. Министерство аслас уджын кутчысьө Россия Федерацияса Оланподулө, федеральной оланподув оланпасьясө, федеральной оланпасьясө, Россия Федерацияса мукөд нормативной инода актө, Коми Республикаса Оланподулө, Коми Республикаса оланпасьясө, Коми Республикаса мукөд нормативной инода актө, а сідзжө тайө Положениеө.

3. Министерство збыльмөдө ассьыс уджсө кызди веськыда, сідзи и федеральной канму власьт органъяскөд, федеральной фондьяскөд, Коми Республикаса канму власьт органъяскөд, Коми Республикаын меставывса

асвеськӧдлан органъяскӧд, ӧтйӧза ӧтувъяскӧд да мукӧд организациякӧд ӧтув сылӧн компетенцияӧ пыртӧм юалӧмъяс серти.

4. Министерство видзӧм вылӧ рӧскодсӧ съӧмӧн могмӧдӧны Коми Республикаса республиканскӧй съӧмкуд тшӧт весьтӧ.

5. Министерство лоӧ юридическӧй кывкутысьӧн, сылӧн эм Коми Республикаса канму канпаса да коми да роч кывъясӧн гижӧм аслас нима урчитӧм нога мукӧд печать, штамп да бланок, Россия Федерациялӧн оланпастэчас серти восьтӧм тшӧтъяс.

6. Министерство збыльмӧдӧ Коми Республикаса торъя канму учрежденияяс серти учредитысьлысь уджъяссӧ да уджмогъяссӧ (водзӧ – канму учрежденияяс).

7. Министерство лоӧ Коми Республикаса экономика министерстволысь да Коми Республикаса инвестиция, промышленность да транспорт министерстволысь инӧд босьтысьӧн Министерстволы сетӧм уджъяс збыльмӧдан юкӧнын.

8. Министерстволӧн меститчанӧн (юридическӧй инпас): Сыктывкар, Интернациональнӧй ул., 108.

## II. Министерстволӧн медшӧр могъяс

9. Министерстволӧн медшӧр могъясыс:

1) стратегическӧя планируйтны, анализируйтны да прогнозируйтны Коми Республикаӧс социальнӧй да экономика боксянь сӧвмӧдӧмсӧ;

2) отсавны сӧвмӧдны Коми Республика мутасъяссӧ социальнӧй да экономика боксянь

3) могмӧдны Коми Республикаса социальнӧй политикаын торъя нырвизьяс;

4) могмодны Коми Республикаын торъя мога уджтасьяс планируйтөмсö нормативнöй да инöда ладмөдөмсö да отрасльяс костын координируйтөмсö;

5) отсавны сөвмодны Коми Республикаса экономикалөн быд сикас сфераясын кадрьясөн могмодан системасö;

6) ладмодны Коми Республикалөн канму учреждениеясса уджалысьяслы, Коми Республикалөн канму органьясса уджалысьяслы, кодьясöс абу пыртöма Коми Республикаса канму гражданскöй служба чиньясö, уджысь мынтысян условиеяссö;

7) лөсьодны ичöт да шөр предпринимательство сөвмөдөм вылö условиеяссö;

8) сөвмодны Коми Республикаын проектьясөн веськөдлан системасö, сы лыдын кутшöм могмөдö Коми Республикаса дінму проектьяс (водзö – дінму проектьяс) збыльмөдөмсö;

9) лөсьодны Коми Республикаын канму-аспом уджёртасян принципьяс вылын проектьяс сөвмөдөм да збыльмөдөм вылö условиеяссö;

10) ышöдны инвестиционнöй да инновационнöй удж вылö, пырöдчö россияса, суйöрсайса да войтыркостса финансöвöй (кредитнöй) организацияскöд да сөвмөдысь институтьяскöд ёртасян уджтасьяс збыльмөдөмö;

11) лөсьөдö мусир, биару, горноруднöй, из шом, кокни промышленность, вөр промышленнöй комплекс, машина вöчöм, стрöитчан материальяс, изделияяс да конструкцияяс вöчан промышленность, транспорт сөвмөдөм вылö условиеяс;

12) могмөдö Министерстволөн компетенцияын торъя сикас удж лицензируитан да разрешительнöй удж юкöнын Россия Федерацияса оланпастэчаслысь да Коми Республикаса оланпастэчаслысь корöмьяс олөмö пöртөмсö;

13) могмөдö мераясөн, кутшöмьясöс веськөдöма гражданалөн

индъяслы, оланпас серти интересьяслы, олӧмлы либӧ дзоньвидзалунлы, гӧгӧртаслы ущербысь видзчысьӧм вылӧ, кутшӧм вермӧ артмыны юридическӧй кывкутысьясӧн да ашӧр уджалысьясӧн удж сикасьяс збыльмӧдӧм вӧсна, кутшӧмьяс бӧрся контрольсӧ збыльмӧдӧ Министерство;

14) котыртӧ муниципалитетьяс костын сынӧд, пытшкӧсса вавыв транспортӧн, кар гӧгӧрын да ылӧ ветлысь маршрутьясын кӧрт туй транспортӧн, кутшӧмьяс могмӧдӧны Коми Республика мутасын пассажирьясӧс социальнӧй тӧдчанлуна новлӧдлӧмсӧ, муниципалитетьяс костын пыр ӧткодя новлӧдлан маршрутьяс кузя автомашина транспортӧн олысьясӧс транспортӧн могмӧдӧмсӧ;

15) координируйтӧ Коми Республикаса олӧмӧ пӧртысь власьт органьяслысь тшӧктӧмьяссӧ, кутшӧмьяс эмӧсь Россия Федерацияса Президентлӧн 2012 во ода-кора тӧлысь 7 лунся 596 – 601 №-а, 606 №-а индӧдьясын, збыльмӧдӧм серти уджсӧ;

16) отсалӧ сӧвмӧдны вузӧс рынокьясын конкуренциясӧ.

### III. Канму уджьяс

10. Тайӧ Положениелӧн II юкӧдын индӧм могьяс збыльмӧдӧм могысь Министерство пӧртӧ олӧмӧ татшӧм канму уджьяс:

10.1. Коми Республикаӧс социальнӧй да экономика боксянь сӧвмӧдӧмсӧ стратегическӧя планируйтан, прогнозируйтан да анализируйтан сфераын:

1) дасьтӧ Коми Республикаса экономикаын да социальнӧй сфераын серпас йылысь доклад, Республикаӧс социальнӧй да экономика боксянь сӧвмӧдӧм йылысь юӧр чукӧртан-доньялан мукӧд материал да сетӧ найӧс Коми Республикаса Веськӧдлан котырӧ;

2) урчитӧм кадколастьясӧ дасьтӧ Коми Республикаӧс социальнӧй да экономика боксянь сӧвмӧдӧмсӧ мониторингтӧм серти своднӧй юӧр да сетӧ

сійӧс Коми Республикаын медыджыд федеральной инспекторлы, Рытыв-Войвыв федеральной кытшын Россия Федерацияса Президентӧс полномочной петкӧдлысьлы, Россия Федерацияса экономика сӧвмӧдан министерствоӧ да Россия Федерацияса мукӧд олӧмӧ пӧртысь власьт органӧ;

3) дасьтӧ стратегическӧя планируйтан документ балаяс да найӧс дасьтан, стӧчмӧдан, вынсьӧдан (ошкан), мониторинган да на бӧрся контроль нуӧдан юалӧмъяс ладмӧдысь Коми Республикаса нормативной инӧда акт балаяс:

Коми Республикаӧс социальной да экономика боксянь сӧвмӧдан стратегия;

Коми Республикаӧс социальной да экономика боксянь сӧвмӧдан стратегия збыльмӧдан мероприятияслӧн план;

4) дасьтӧ Коми Республикаӧс социальной да экономика боксянь сӧвмӧдан стратегия збыльмӧдан мероприятияслысь план олӧмӧ пӧртанног йылысь отчет да сетӧ сійӧс Коми Республикаса Вескӧдлан котырӧ;

5) пырӧдчӧ федеральной тшупӧдын, Рытыв-Войвыв федеральной кытшын, Россия Федерацияса субъектысын ӧтув нуӧдан юалӧмъяс серти дасьтан стратегическӧя планируйтан документъяс лӧсьӧдӧмӧ;

6) дасьтӧ Рытыв-Войвыв федеральной кытш социальной да экономика боксянь сӧвмӧдан стратегия збыльмӧдан мероприятияслысь план збыльмӧдан кывкӧртӧдыяс йылысь ӧтувъя юӧр да ыстӧ найӧс Рытыв-Войвыв федеральной кытшын Россия Федерацияса Президентӧс полномочной петкӧдлысьлӧн аппаратӧ;

7) дасьтӧ да стӧчмӧдӧ шӧркодъ кадколаст да дыр кадколаст вылӧ Коми Республикаӧс социальной да экономика боксянь сӧвмӧдан прогнозяс да сетӧ найӧс Коми Республикаса Вескӧдлан котырӧ, дасьтӧ нормативной инӧда актяс, кутшӧмъяс ладмӧдӧны найӧс дасьтан, стӧчмӧдан, вынсьӧдан (ошкан), мониторинган да индӧм прогнозяс



збыльмөдөм бөрся видзөдан юалөмьяссө;

8) мониторинг да видзөдө шөркодь кадколаст да дыр кадколаст вылө Коми Республикаос социальной да экономика боксянь сөвмөдан прогнозьяс збыльмөдөм бөрся;

9) сетө Россия Федерацияса экономика сөвмөдан министерствоо шөркодь кадколаст вылө Коми Республикаос социальной да экономика боксянь сөвмөдан прогнозлысь петкөдласьяссө «Веськөдлөм» канму автоматизируйтөм юөртан система отсөгөн;

10) дасьтө 2025 воөдз период вылө Россия Федерацияса динмуяс сөвмөдан канму политика подувьяс збыльмөдан план Коми Республикаын збыльмөдан мероприятияяслысь план, кутшөмөс вынсьөдөма Коми Республикаса Веськөдлан котырлөн 2017 во йирым тölысь 5 лунся 460-р №-а тшөктөмөн, збыльмөданног йылысь отувья юөр.

10.2. Коми Республика мутасьяссө социальной да экономика боксянь сөвмөдны отсалан сфераын:

1) дасьтө Коми Республика мутасьяссө сөвмөдан юалөмьяс серти, на лыдын Коми Республикаса Арктика зона, Коми Республикаса öти нырвизя муниципальной юкөньяссө (монокарьяссө) социальной да экономика боксянь сөвмөдөм йылысь, юөр чукөртан-доньялан материальяс да сетө найөс Коми Республикаса Юралысьлы, Коми Республикаса Веськөдлан котырө, федеральной олөмө пöртысь власьт органьясö;

2) пöртö олөмө Коми Республика мутас сөвмөдөмсö стратегическöя планируйтан юкөннын котыртөм да методика боксянь веськөдлөм да уджьяссö координируйтөм серти уджьяс;

3) анализируйтö да сöгласуйтö Коми Республикаса муниципальной юкөньяс социальной да экономика боксянь сөвмөдан стратегияс да пöртö олөмө индөм стратегияссö дасьтан юкөннын котыртөм да методика боксянь веськөдлөм да уджьяс координируйтөм серти уджьяс;

4) Коми Республикаса Юралысьлөн, Коми Республикаса Веськөдлан

котырөн Юрнуодысьлөн тшөктөм серти Коми Республикаса олөмө пöртсысь власьт органьяслысь вöзйöмьяссö тöд вылö босьтöмөн дасьтö да сетö Коми Республика мутасьяслысь социальной да экономика боксянь мытшöдьяс разьöм серти вöзйöмьяс;

5) дасьтö Коми Республикаса öти нырвизя муниципальной юкөньяслы (монокарьяслы) канмусянь отсöг сетан юалöмьяс серти вöзйöмьяс да сетö найöс Коми Республикаса Веськöдлан котырö;

6) мониторингö Коми Республика мутасын «Монокарьяс комплекснöя сöвмöдöм» верктуя уджтас збыльмöдöмсö;

7) мониторингö Коми Республикаса öти нырвизя муниципальной юкөньясын (монокарьясын) социальной да экономической серпассö;

8) дасьтö Коми Республикаса öти нырвизя муниципальной юкөньясын (монокарьясын) водзынджык сöвмысь мутас лöсьöдöм вылö заявкаяс;

9) öтув уджалö Россия Федерацияса экономика сöвмöдан министерствокöд Коми Республикаса монокарьясын водзынджык сöвмысь мутас лöсьöдан юалöмьяс да социальной да экономика боксянь водзынджык сöвмысь мутасьясса резидентьяслысь реестр нуöдöм серти, кутшöмьясöс лöсьöдöны Коми Республикаса öти нырвизя муниципальной юкөньясын (монокарьясын);

10) öтув уджалö Коми Республикаса монокарьяс сöвмöдан проектьясөн веськöдлан командаяс велöдöмсö котыртан, инфраструктурнöй проектьяс збыльмöдöм вылö рöскöд öтув сьöмөн могмöдан, «Монокарьяс комплекснöя сöвмöдöм» верктуя уджтас збыльмöдан юалöмьяс серти «Монокарьяс сöвмöдан фонд» абу коммерческой организациякöд;

11) кырымалö Коми Республикаса öти нырвизя муниципальной юкөньясын (монокарьясын) лöсьöдан социальной да экономика боксянь водзынджык сöвмысь мутасын уджалöм йылысь артмöдчöмьяс;

12) дасьтö Коми Республикаса öти нырвизя муниципальной юкöньясын (монокарьясын) лöсьöдан социальной да экономика боксянь водзынджык сöвмысь мутасьяслöн уджалöм йылысь отчётностьяс да сетö найöс Россия Федерацияса экономика сöвмöдан министерствоö, контроль нуöдысь канму органьясö;

13) котыртö Коми Республикаса öти нырвизя муниципальной юкöньясын (монокарьясын) лöсьöдан социальной да экономика боксянь водзынджык сöвмысь мутасьясын проектяс збыльмöдöм могысь лоны вермана инвесторьясöс корöм серти уджсö;

14) пöртö олöмö Коми Республикаса öти нырвизя муниципальной юкöнлöн (монокарлöн) мутасын лöсьöдан социальной да экономика боксянь водзынджык сöвмысь мутасын уджалöм йылысь артмöдчöмьяс кырымалöм вылö заявкаяс видлалан комиссиялысь уджсö мөгмöдöм серти уджьяс;

15) дасьтö Россия Федерацияса Арктика зонаö пырысь мутасьясын канмусянь ладмöдан мераяс серти, а сіджö Коми Республикаса Арктика зоналöн мутасын найöс збыльмöдöмсö бурмöдöм серти вöзйöмьяс да сетö найöс Коми Республикаса Вескöдлан котырö, федеральной олöмö пöртысь власьт органьясö;

16) öтув уджалö Россия Федерацияса Вескöдлан котыркöд, Россия Федерацияса экономика сöвмöдан министерствокöд Арктика сöвмöдан юалöмьяс серти канму комиссиялöн уджын Коми Республикалöн пырöдчан юалöмьяс серти, кутшöмöс вынсьöдöма Россия Федерацияса Вескöдлан котырлöн 2018 во öшым тöлысь 11 лунся 2742-р №-а тшöктöмөн;

17) пöртö олöмö Коми Республикаса олöмö пöртысь власьт органьяслысь, Коми Республикаын меставывса асвескöдлан органьяслысь Коми Республикаса Арктика зонаын социальной да экономика боксянь сöвмöдан, инвестицияс кыскан да инвестиционной проектяс збыльмöдан

юалöмъяс серти координаторлысь уджъяс;

18) котыртö Россия Федерацияса Арктика зона сöвмöдан юалöмъяс серти делöвöй мероприятиясын (форумъясын, съездъясын, конференциясын) Коми Республикалысь пырöдчöмсö;

19) котыртö Арктика сöвмöдан юалöмъяс серти канму комиссияса Президиумлөн заседаниеясын да уджалан группаясын Коми Республикаöс петкöдлысьяслысь пырöдчöмсö.

10.3. Тшöктöмъяс збыльмöдöм серти, кутшöмъяс эмöсь Россия Федерацияса Президентлөн 2012 во ода-кора тöлысь 7 лунся 596 – 601 №-а, 606 №-а индöдъясын, Коми Республикаса олöмö пöртысь власьт органъяслысь уджсö координируйтан сфераын:

1) котыртö тшöктöмъяс збыльмöданног бöрся мониторинг, кутшöмъяс эмöсь Россия Федерацияса Президентлөн 2012 во ода-кора тöлысь 7 лунся 596 – 601 №-а, 606 №-а индöдъясын (федеральной мониторинг, Рытыв-Войвыв федеральной кытшлөн мониторинг, дінму мониторинг) нуöдöм серти уджсö;

2) выльмöдö 2020 воöдз период вылö Коми Республика мутасын торъя мога петкöдласъясöдз, кутшöмъясöс урчитöма Россия Федерацияса Президентлөн помшуймъясөн, воöдчан мероприятияслысь план, мый вынсьöдöма Коми Республикаса Юралысьлөн 2012 во öшым тöлысь 29 лунся 435-р №-а тшöктöмөн (1 №-а содтöд), да видзöдö сійöс олöмö пöртö бöрся;

3) öтув уджалö Рытыв-Войвыв федеральной кытшын Россия Федерацияса Президентöс полномочной петкöдлысьлөн аппараткöд тшöктöмъяс, кутшöмъяс эмöсь Россия Федерацияса Президентлөн 2012 во ода-кора тöлысь 7 лунся 596 – 601 №-а, 606 №-а индöдъясын, збыльмöданног юалöмъяс серти;

4) видзöдö Коми Республикаса олöмö пöртысь власьт органъясөн «Веськöдлöм» канму автоматизируйтöм системаын Россия Федерацияса

Президентлысь 2012 во ода-кора тöлысь 7 лунся 596 – 601 №-а, 606 №-а индöдыяс ас кадö выльмöдöм да найöс олöмö пöртöмсö мониторинтан формаяс гижöм бöрся.

#### 10.4. Торья могьяса уджтасьяс планируйтан сфераын:

1) дасьтö Коми Республикаса нормативнöй инöда акт балаяс, кутшöмьяс ладмöдöны Коми Республикаса канму уджтасьяс да ведомствоса торья мога уджтасьяс дасьтан, вынсьöдан да збыльмöдан юалöмьяссö;

2) дасьтö Коми Республикаса канму уджтасьяс дасьтöм да збыльмöдöм серти методика индöдыяс, сетö ведомствоса торья мога уджтасьяслысь да Коми Республикаса канму уджтасьяслысь балаяс лöсьöдан юалöмьяс серти гөгöрвоодöмьяс;

3) нуödö ведомствоса торья мога уджтас балаяс серти экспертиза, дасьтö экспертизалöн бöртасьяс серти öтувья заключениеяс;

4) видлалö Коми Республикаса канму уджтас балаяс да уджтасьяссö вежсьöм балаяс, дасьтö на серти заключениеяс;

5) дасьтö Коми Республикаса канму уджтасьяс збыльмöдöм серти комплекснöй уджалан планьяс серти заключениеяс;

6) лöсьöдö да сетö Коми Республикаса сьöм овмöс министерствоö Коми Республикаса канму уджтасьяслысь лыддьöг, кутшöмьясöс колö пыртны локтан финансöвöй во да планöвöй период вылö Коми Республикаса республиканскöй сьöмкуд балаö;

7) нуödö ведомствоса торья мога уджтасьяслысь реестрьяс;

8) доньялö ведомствоса торья мога уджтасьяс да Коми Республикаса канму уджтасьяс збыльмöдан окталунсö;

9) лöсьöдö Коми Республикаса канму уджтасьяс збыльмöданног да налысь окталунсö доньялöм йылысь вося öтувья доклад да сетö сйöс Коми Республикаса сьöм овмöс министерствоö;

10) мониторинг Коми Республикаса канму уджтасьяссö да сетö сылön бортасьяс серти юрсö Коми Республикаса Веськöдлан котырön Юрнуöдысьöс вежысьлы кывкутана могьяс юклöм серти;

11) дасьтö нормативнöй инöда акт балаяс серти заключениеяс, кутшöмьясöс дасьтöма Коми Республикаса олöмö пöртысь власьт органьясөн, Коми Республикаса канму органьясөн, кутшöмьясöс котыртöма Коми Республикаса Юралысь, кутшöмьяс йитчöмаöсь ведомствоса торья мога уджтасьяс да Коми Республикаса канму уджтасьяс дасьтан да збыльмöдан юалöмьяскöд;

12) Коми Республикаса канму уджтасьяссö кывкутысь збыльмöдысьясөн Коми Республикаса канму уджтасьяслön торья мога индикаторьяслысь да петкöдласьяслысь системасö доньялан бортасьяс серти дасьтö Коми Республикаса канму уджтасьясö торья мога индикаторьяссö да петкöдласьяссö, сы лыдын налысь значениеяссö, стöчмöдан юкöнын вежсьöмьяс пыртöмсö сöгласуйтöм либö сöгласуйттöм йылысь заключениеяс;

13) дасьтö Коми Республикаса канму уджтаслön медшöр мероприятиеяс костын сьöмкуд ассигнование (Коми Республикаса канму уджтасьяс збыльмöдöм вылö сьöмкуд йылысь оланпасөн вынсьöдöм сьöмкуд ассигнование ыдждаын) выль пöв юклöм серти сьöмкуд сьöмön медшöр вöдитчысьяслысь ходатайствояссö сöгласуйтöм либö сöгласуйттöм йылысь заключениеяс, сы лыдын кутшöмьяс вöсна содö канму уджтаслön тэчасыс (вежсьöны медшöр мероприятиеясыс) да (либö) мый вöсна вежсьöны Коми Республикалön канму уджтасьясса торья мога индикаторьяслön да петкöдласьяслön планöвöй значениеясыс, да (либö) нюжалöны Коми Республикалön канму уджтасьясса медшöр мероприятиеяс олöмö пöртан кадколастьясыс.

#### 10.5. Инвестиционнöй удж нуöдан сфераын:

1) дасьтö да сетö Коми Республикаса Веськöдлан котырö вöзйöмьяс:

инвестиционной удж нуодны ышодом серти;

Коми Республикаын бур инвестиционной климат лосьодом серти;

инвестицияс кыском да наон водитчан тодчана нырвизьяс серти;

Коми Республика мутасын инвестиционной уджсо канмусянь ладмодом йылысь Коми Республикаса республиканской съомкудйысь да мукод ошмосысь съом кыскомон;

содтод инвестиционной ресурсяс кыском могысь заимствованиеяслысь окталуна политика нуодом серти;

инвестиционной проектяс (бизнес-идеяяс) йылысь, сы лыдын Коми Республика мутасын збыльмодны возйом инвестиционной да инновационной проектяс збыльмодан сфераын;

инвестиционной проектяс збыльмодны коланлун йылысь;

2) нуодо Коми Республикаса экономикаын промышленной секторо инвестицияс кыскан мероприятиеяс;

3) Коми Республика мутасын инвестиционной удж нуодомсо совмодан нырвизьяссо анализируютом подув вылын дасьто инвестиционной сфера да сийос совмодан позянлуньяс йылысь комплексной юор чукортан-донъялан материаляс да сето найос Коми Республикаса Веськодлан котырo;

4) дасьто да сето Коми Республикаса Веськодлан котырo:

инвестиционной удж нуодысь субъектъяслон, кодьяс косийоны босьтны канмусянь отсog, инвестиционной проектъяслон окталун, а сиджo инвестиционной удж нуодысь субъектъяслон инвестиционной возйомьяс йылысь заключениеяс;

инвестиционной удж нуодысь субъектъяслон инвестиционной проектяс да стратегическoя совмодан документ (концепция, стратегия) балаяс выло;

5) портo оломo Коми Республикаын россияса да войтыркостса рейтингoвой агентствояслысь визитьяс нуодомсо котыртысьлысь уджьяс;

6) Коми Республикаса олөмө пöртсы влассь органьяслөн да Коми Республикаса организацияслөн аналитика юөр подув вылын дасьтö да сетö россияса да войтыркостса рейтингöвöй агентствоясö Коми Республикаос социальнöй да экономика боксянь сöвмөдöмын кывкöртöдьяс да верктуйяс йылысь öтувья юөр;

7) öтув уджалö россияса да войтыркостса рейтингöвöй агентствояскöд Коми Республикалы кредитнöй рейтингьяс сетан юалöмьяс да Коми Республикаса канму дона кабалаяс национальнöй шкала серти лэдзöм, найöс мониторингтöм да найöс кутöм серти;

8) лöсьöдö инвестиционнöй проектьяслысь лыддьöг, кутшöмьясöс збыльмөдöны да (либö) көсйöны збыльмөдны Коми Республика мутасын, кутшöмöс лöсьöдöны вот кокньöдьяс сетöм могысь;

9) конкурс серти бöрйö инвестиционнöй удж нуöдысь субъектьяслысь инвестиционнöй проектьяс, кодьяс көсйöны босьтны Коми Республикаса республиканскöй сьöмкуд сьöм тшöт весьтö субсидияяс кредитьяс серти, кутшöмьясöс инвестиционнöй удж нуöдысь субъектьясөн босьтöмаöсь кредитнöй организациясын Коми Республика мутасын инвестиционнöй проектьяс збыльмөдöм могысь, прöцент мынтöм вылö öтувья рöскод юкөн вештöм вылö;

10) пöртöны олөмö Коми Республикаса олөмö пöртсы влассь органьяслөн удж координаторлысь, Коми Республикаын бур инвестиционнöй климат могмөдан юкöнын инвестиционнöй проектьяс нуöдны отсалан, инвестицияяс кыскан да инвестиционнöй проектьяс збыльмөдан специализируйтöм организациялысь уджьяс;

11) пöртö олөмö Коми Республикаын инвестиционнöй проектьяс нуöдöмсö «öти öшиньö шыödчöм» принцип серти котыртöм да методика боксянь могмөдöм серти уджьяс;

12) пöртö олөмö «Öтуввез» юөртан да телекоммуникация везйын Коми Республикаса инвестиционнöй портал (водзö – Инвестиционнöй



портал) бурмодан да сійос нуодан уджъяс;

13) могмодө инвесторъяскөд (инвестиционнӧй проектъяс вӧзйысьяскөд) оперативнӧя ӧтув уджаломсӧ Коми Республикаса юрнуӧдысьяс дорӧ веськыда шыӧдчӧмсӧ збыльмӧдӧм серти Инвестиционнӧй порталлӧн инструментъяс отсӧгӧн;

14) инвестиционнӧй проектъяс збыльмӧдӧгӧн котыртӧ проектъясӧн веськӧдлан канму да войтыркостса стандартъясӧн вӧдитчӧм серти уджсӧ;

15) пӧртӧ олӧмӧ Коми Республикаса олӧмӧ пӧртысь власьт органъяслысь Рытыв-Войвыв федеральнӧй кытшын Россия Федерацияса Президентлӧн дӧнму инвестиционнӧй уполномоченнӧйкӧд, «Выль проектъяс нуӧдӧм серти стратегическӧй водзмӧстчӧмъяслӧн агентство» асшӧрлуна абу коммерческӧй организациякӧд бур инвестиционнӧй климат могмодан да аспом инвестиционнӧй проектъяс збыльмӧдны отсалан юалӧмъяс серти ӧтувъя уджсӧ координируйтысьлысь уджъяссӧ;

16) мониторингӧ инвестиционнӧй проектъяс збыльмӧдӧмсӧ, сы лыдын на серти, кодъяс серти примитӧма канмусянь отсӧг сетӧм йылысь помшуӧм;

17) нуӧдӧ ыджыд тӧдчанлуна инвестиция проектъяс серти Коми Республикаса оланпастэчасӧн урчитӧм муртӧсьяслы лӧсялӧм серти прӧверка;

18) «Россия Федерацияын промышленнӧй политика йылысь» Федеральнӧй оланпас серти котыртӧ торъя инвестиционнӧй контрактъяс кырымалӧм серти уджсӧ;

19) дасьтӧ инвестиционнӧй удж, инвестицияс кыскан сфераын мероприятияяс нуӧдан бӧртасъяс йылысь юӧр да статистическӧй отчетность, кутшӧмӧс урчитӧма оланпастэчасӧн, да сетӧ найӧс Коми Республикаса олӧмӧ пӧртысь власьт органъясӧ;

20) конкурс серти бӧрйӧ инвестиционнӧй удж нуӧдысь субъектъяслысь инвестиционнӧй проектъяссӧ, кодъяс кӧсйӧны босьтны

Коми Республикаса канму гарантияс;

21) могмодö Коми Республикаса олöмö пöртысь власьт органьяслысь, Коми Республикаын муниципальной юкөньяслөн меставывса асвеськөдлан органьяслысь, овмöс нуöдысь субъектъяслысь координируйтöмсö да öтув уджалöмсö сы могысь, медым лöсьöдны:

инвестиционной политика нуöдан да инвестиционной удж, стратегической документьяс дасьтöм могысь инвестиционной проектъяс серти юөр база нуöдны ышöдан сфераын вöзйöмьяс;

Коми Республикалысь бур инвестиционной имидж;

22) котыртö «Выль проектъяс нуöдöм серти стратегической водзмöстчöмьяслөн агентство» ашöрлуна абу коммерческой организациякöд да Коми Республикаын Коми Динму инвестиционной стандарт пыртан бöртасьяс серти мониторинг нуöдысь экспертной группакöд öтув уджалöмсö;

23) сöгласуйтö «Россия Федерацияын промышленной политика йылысь» Федеральной оланпас серти торья инвестиционной контракт кырымалан инöд вылö конкурс серти бöрйöмсö нуöдигөн промышленной прöдукция вöчан местасö;

24) видзöдö инвесторөн торья инвестиционной контракт серти, кутшöмöс нуöдöны Россия Федерацияса Вескөдлан котырөн урчитöм пöрадокын, кöсйысьöмьяс збыльмөдöм бöрся;

25) сетö промышленной политика сфераын Россия Федерацияса Вескөдлан котырөн индöм федеральной олöмö пöртысь власьт органö технология сикасьяслысь, кутшöмьясöс шуöны öнiя технологиясөн, лыддьöг лöсьöдöм да выльмөдöм серти вöзйöмьяс сы могысь, медым кырмавны торья инвестиция контрактъяс;

26) отсалö дасьтыны да збыльмөдны Коми Республикаса öти нырвизя муниципальной юкөньясын (монокарьясын), Коми Республикаса Арктика зонаын выль инвестиционной проектъяс;

27) дасьтö Коми Республикаса республиканскöй да Коми Республикаса öти нырвизя муниципальной юкөнъяслөн (монокаръяслөн) сьöмкудлысь рöскöд öтув сьöмөн могмöдöм вылö заявкаяс сы могысь, медым збыльмöдны инвестиционной проектъяс збыльмöдöм вылö колана инфраструктура объектъяс стрöйтöм да (либö) выльмöдан мероприятияяс.

10.6. Коми Республикаөн канму-аспом уджёртасьöмö пöрдчан сфераын:

1) урчитöм пöрадокын дасьтö канму-аспом уджёртасян сфераын Коми Республикаса оланпас да мукöд нормативнöй инöда акт баляс да сетö найöс Коми Республикаса Юралысьлы, Коми Республикаса Велькöдлан котырö;

2) дасьтö Коми Республикаын канму-аспом уджёртасьöмсö сöвмöдöм серти вöзйöмъяс да сетö найöс Коми Республикаса Велькöдлан котырö;

3) дасьтö да сетö Коми Республикаса Велькöдлан котырö вöзйöмъяс сы серти, медым кыскыны да вöдитчыны инвестиционной да кредитнöй ресурсъясөн канму-аспом уджёртасьöмын механизмъяс збыльмöдöм серти, сьöмөн могмöдны канму-аспом уджёртасьöмын проектъяс Коми Республикаса инвестиционной фондлөн сьöмкуд ассигнование тшöт вельтö;

4) пöртö олöмö Коми Республикаса олöмö пöртысь власьт органъяслысь уджъяс сы серти, медым кыскыны инвесторъяслысь сьöмсö сы вылö, медым збыльмöдны канму-аспом уджёртасьöм йылысь артмöдчöмъяс серти инвестиционной проектъяссö, координируйтысьлысь уджъяс;

5) дасьтö да сетö Коми Республикаса олöмö пöртысь власьт органъясö, Коми Республикаын меставывса асвелькöдлан органъясö канму-аспом уджёртасян сфераын юöртан да методика материалъяс;

6) дасьтö канму-аспом уджёртасьöм сöвмöдан юалöмъяс серти юөр

чукортан-донъялан комплексной материалъяс да сетö найöс федеральной олöмö пöртъсь власът органъясö да Коми Республикаса Велькöдлан котырö;

7) видзöдö канму-аспом уджёртасьöмын проектъяс збыльмöдöм бöрся;

8) координируйтö ведомствояс костын канму-аспом уджёртасьöм йылысь артмöдчöм, кöни публичной уджёртөн лоö Коми Республика, либö канму-аспом уджёртасьöм йылысь артмöдчöм, мый серти кöсийöны нуöдны Коми Республикалөн пырöдчöмөн öтувъя конкурс (случай кындзи, кор кöсийöны нуöдны Россия Федерациялөн пырöдчöмөн öтувъя конкурс), збыльмöдигөн Коми Республикаса олöмö пöртъсь власът органъяслысь уджсö;

9) донъялö канму-аспом уджёртасьöм серти проектлысь окталунсö, кöни публичной уджёртөн лоö Коми Республика, да урчитö проектлысь орччöдана верктуйсö, донъялö муниципальной-аспом уджёртасьöм серти проектлысь окталунсö да урчитö налысь орччöдана верктуйсö «Россия Федерацияын канму-аспом уджёртасьöм, муниципальной-аспом уджёртасьöм да Россия Федерацияса öткымын оланпастэчас актö вежсьöмъяс пыртöм йылысь» Федеральной оланпас серти;

10) сöгласуйтö публичной уджёртлы конкурс серти документациясö, медым нуöдны канму-аспом уджёртасьöм йылысь артмöдчöм, кöни публичной уджёртөн лоö Коми Республика, кырымалан инöд вылö конкурсъяс;

11) канму-аспом уджёртасьöм йылысь артмöдчöм збыльмöдигөн отсалö дорйыны публичной уджёртлысь да аспом уджёртъяслысь инöдъяссö да оланпас серти интересъяссö;

12) нуöдö канму-аспом уджёртасьöм йылысь кырымалöм артмöдчöмъяслысь реестр, кöни публичной уджёртөн лоö Коми Республика;

13) могмөдө канму-аспом уджъертасьом йылысь кырымалом артмөдчөмьяс йылысь юөрлысь восьсалунсө да сыөн вөдитчыны позянлунсө, көні публичной уджъертөн лоө Коми Республика;

14) сетө Россия Федерацияса Вєськөдлан котырөн урчитөм федеральной олөмө пөртысь власьт органө артмөдчөм, көні көсьысьөмьяс серти публичной уджъертөн лоө Коми Республика, либө артмөдчөм, кутшөмөс кырымалөма Коми Республикалөн пырөдчөмөн өтувья конкурс нуөдан подув вылын, либө муниципальной-аспом уджъертасьом йылысь артмөдчөм, кутшөмөс көсьөны збыльмөдны, збыльмөдөны либө збыльмөдисны Коми Республикаын муниципальной юкөнлөн мутасын, збыльмөдөм серти мониторинглысь бөртасьяссө;

15) доньялө Коми Республикаса олөмө пөртысь власьт органьяслысь Коми Республикаын канму-аспом уджъертасьом серти проектъяслөн лыддьөгө проектъяс пыртөм серти вөзиймьяссө сы серти, лөсялөны-ө найө Коми Республикаса оланпастэчасөн урчитөм муртөсьяслы;

16) дасьтө Коми Республикаын канму-аспом уджъертасьом серти проектъяслысь лыддьөг вынсьөдөм йылысь Коми Республикаса Вєськөдлан котырлысь помшуөм бала;

17) канму-аспом уджъертасьом йылысь артмөдчөмьяс (концессионной артмөдчөмьяс) кырымалөм могысь нуөдө инвесторьясөс, аспом уджъертьясөс, кредиторьясөс корсьны отсалан мероприятияяс;

18) дасьтө Локтан финансөвөй во да планөвөй период, а сідзжө дыр кадся период вылө Коми Республикаса инвестиционной фонд сьом тшөт вєсьтө канму-аспом уджъертасын принципьяс серти збыльмөдан инвестиционной проектъяслысь лыддьөг вынсьөдөм йылысь Коми Республикаса Вєськөдлан котырлысь помшуөм бала;

19) пөртө олөмө Коми Республикаын инфраструктурной проектъяс збыльмөдигөн канму-аспом уджъертасын ногьяс сөвмөдан юалөмьяс серти

уджалан группалысь уджсö котыртöмön да техническöя могмöдöм серти уджъяс.

#### 10.7. Инновационнöй удж нуöдны отсалан сфераын:

1) Коми Республика мутасын инновационнöй удж сöвмöдöмсö анализирутöм подув вылын дасьтö Коми Республикаын инновационнöй удж серти серпас да водзö вылö сйöс сöвмöдны позянлунъяс йылысь юör чукöртан-донъялан материалъяс, Коми Республикаын инновационнöй удж сöвмöдöм серти прогноз да сетö найöс федеральнöй власьт органъясö, Коми Республикаса Юралысьлы, Коми Республикаса Веськöдлан котырö;

2) дасьтö Коми Республика мутасын инновационнöй удж нуöдöмын канмусянь отсöг сетöм серти вöзйöмъяс да сетö найöс Коми Республикаса Веськöдлан котырö;

3) дасьтö Коми Республикаын инновационнöй удж сöвмöдан уджтас балаяс;

4) дасьтö инновационнöй удж сöвмöдан, индöм уджалан сфераын канмусянь отсöг сетан, инновационнöй инфраструктура сöвмöдан юалöмъяс серти нормативнöй инöда актъяс;

5) пöртö олöмö удж котыртысьлысь уджъяс:

артмöдчöмъяс збыльмöдöм серти, кутшöмъясöс кырымалöма Коми Республикаса Веськöдлан котыр да инновационнöй удж нуöдны отсалан фондъяс, Россия сöвмöдан институтъяс костын;

инновацияс пыртан юкöнын шедöдöмторъясысь Коми Республикаса Веськöдлан котырлысь премияс сетöм да мынтöм серти;

инновационнöй проектъяс серти республиканскöй конкурсьяс нуöдöм серти;

выставкаясö да ярмангаясö инновационнöй удж нуöдысь субъектъяслön пырöдчöм серти;

6) Коми Республикаса мукöд олöмö пöртысь власьт органкöд öтвывлысь дасьтö да збыльмöдö Коми Республика мутасын

инновационной удж нуодомын канмусянь отсөг сетом серти мукод мероприятие;

7) нуодо:

Коми Республикаын инновация боксянь водзмостчысь организацияслысь реестр;

научной да инновационной разработкяс да проектяс (технологияс, продукция, услуга) серти мыччод база, кутшомьяс дасьтоны да збыльмодоны Коми Республика мутасын;

8) нуодо инвестиционной да инновационной удж совмодан сфераын мониторинглон бортасьяс серти юортан ресурсяс лосьодом да ония кадлы лосьломон видзом серти удж.

10.8. Технологической да индустриальной (промышленной) паркяслы, кластерьяслы удж нуодны отсалан юконын:

1) дасьто да сето Коми Республикаса Вескөдлан котырö технологической да индустриальной (промышленной) паркяс лосьодан проектяс дасьтом да збыльмодом серти вöзиймьяс;

2) лосьодо да нуодо Коми Республикаын технологической паркясслысь лыддьог, Коми Республикаын индустриальной (промышленной) паркясслысь лыддьог (водзо – Лыддьогьяс);

3) лосьодо да нуодо Коми Республикаын технологической либö индустриальной (промышленной) паркясон вескөдлысь компанияслысь реестр;

4) дасьто технологической парксо, индустриальной (промышленной) парксо лосьлана Лыддьогö пыртөм (лосьлана Лыддьогысь киритөм) йылысь Коми Республикаса Вескөдлан котырлысь помшум бала да сето найос Коми Республикаса Вескөдлан котырö;

5) порто олөмö Коми Республикаын технологической да индустриальной (промышленной) паркяс лосьодом серти Коми Республикаса олөмö портысь власьт органьяслысь, Коми Республикаын

меставывса асвеськӧдлан органъяслысь уджсӧ координируйтысьлысь уджъяссӧ;

6) пӧртӧ олӧмӧ Коми Республикаын технологическӧй да индустриальной (промышленной) паркъяслы канмусянь отсӧг сетӧмкӧд йитчӧм юалӧмъяс серти комиссиялысь, кутшӧмӧс лӧсьӧдӧма Министерство бердын, уджсӧ котыртысьлысь уджъяссӧ;

7) дасьтӧ экспертной заключение сы йылысь, мый технологическӧй паркъяслӧн, индустриальной (промышленной) паркъяслӧн, веськӧдлысь компанияслӧн, технологическӧй паркъясса, индустриальной (промышленной) паркъясса резидентъяслӧн уджалан условиясыс да бӧртасьясыс лӧсялӧны оланпастэчаслы, да ыстӧ сійӧс Коми Республикаын технологическӧй да индустриальной (промышленной) паркъяслы канмусянь отсӧг сетӧмкӧд йитчӧм юалӧмъяс серти комиссия, кутшӧмӧс лӧсьӧдӧма Министерство бердын;

8) дасьтӧ технологическӧй паркӧн либӧ индустриальной (промышленной) паркӧн веськӧдлысь компаниясӧ Коми Республикаын технологическӧй паркъясӧн либӧ индустриальной (промышленной) паркъясӧн веськӧдлысь компанияслӧн реестрӧ пыртӧм йылысь Коми Республикаса Веськӧдлан котырлысь помшуӧм бала да сетӧ сійӧс Коми Республикаса Веськӧдлан котырӧ;

9) мониторингӧ Коми Республикаын технологическӧй паркъясӧн либӧ индустриальной (промышленной) паркъясӧн веськӧдлысь компанияяслысь уджсӧ;

10) Коми Республикаса мукӧд олӧмӧ пӧртысь власьт органкӧд ӧтвылысь дасьтӧ да збыльмӧдӧ промышленной кластеръяс лӧсьӧдны отсалан мераяс.

10.9. Мусир, биару, горнорудной, из шом, кокни промышленность, вӧр промышленной комплекс, машина вӧчӧм, стрӧйтчан материалъяс, изделияс да конструкцияс промышленность сфераын:



1) Коми Республикаса промышленной сферасо мониторингом да сийос анализуитом подув вылын дасъто Коми Республикаын промышленной производволон оня серпас да сийос водзо выло совмодан нырвизьяс йылысь юр чукортан-донъялан комплексной материалъяс, дасъто да сето Коми Республикаса Вескӧдлан котырӧ промышленной производство да инвестиционно-производственной инфраструктура совмодом серти вӧзйӧмъяс;

2) нуӧдӧ федеральной олӧмӧ пӧртысь власьт органьяскӧд, Россия Федерацияса субъектъяслон олӧмӧ пӧртысь власьт органьяскӧд, Коми Республикаса олӧмӧ пӧртысь власьт органьяскӧд да Коми Республикаын меставивса асвескӧдлан органьяскӧд ӧтвылысь Коми Республикаын промышленной производство совмодом выло вескӧдӧм уджтасьяс да проектъяс збыльмодан мероприятияяс;

3) дасъто да сето Коми Республикаса Вескӧдлан котырӧ артмӧдчӧм (сёрнитчӧм) балаяс, кутшӧмъясӧс кырымалӧны Коми Республикаса Вескӧдлан котыр да мусир, биару, горнорудной, из шом, кокни промышленность, вӧр промышленной комплекс, машина вӧчӧм, стрӧитчан материалъяс, изделияяс да конструкцияяс промышленность организацияяс костын, да на дорӧ сёрнигижӧдъяс;

4) дасъто да сето Коми Республикаса Вескӧдлан котырӧ артмӧдчӧмъяс (сёрнитчӧмъяс) олӧмӧ пӧртӧм йылысь юр, кутшӧмъясӧс кырымалӧны Коми Республикаса Вескӧдлан котыр да мусир, биару, горнорудной, из шом, кокни промышленность, вӧр промышленной комплекс, машина вӧчӧм, стрӧитчан материалъяс, изделияяс да конструкцияяс промышленность организацияяс костын, да на дорӧ сёрнигижӧдъяс;

5) дасъто да сето Коми Республикаса Вескӧдлан котырӧ мусир, биару, горнорудной, из шом, кокни промышленность, вӧр промышленной комплекс, машина вӧчӧм, стрӧитчан материал промышленность, изделияяс

да конструкцияс, транспорт сфераын артмөдчөмьяс да на дорö сёрнигижөдьяс олөмө пөртөм йылысь отчёт, кутшөмьясөс кырымалöны Коми Республикаса Велькөдлан котыр да Россия Федерацияса субъектьяс костын;

б) Коми Республикалөн топливно-энергетическөй комплекса объектъяс серти:

лөсьөдө да нуөдө Коми Республикалөн топливно-энергетическөй комплекса объектъяслысь лыддьөг, кутшөмьясөс колö юклыны категорияяс серти;

Коми Республикалөн топливно-энергетическөй комплекса субъектьяскөд сёрнитчөмөн пырөдчө комиссияслөн Коми Республикалөн топливно-энергетическөй комплекса объектъяссö категорияяс серти юклан уджө;

ыстө федеральнөй олөмө пөртысь власьт органö, кодi збыльмөдө топливно-энергетическөй комплекс сфераын канму политика лөсьөдөм да збыльмөдөм да нормативнөй инөд боксянь ладмөдөм серти уджьяс, Коми Республикалөн топливно-энергетическөй комплекса категорияяс серти юклөм объектъяссö топливно-энергетическөй комплекса объектъяслөн реестрö (водзö – реестр) пыртөм йылысь, категорияяс серти юклөм объект йылысь төдмөгьяссö, кутшөмьяс эмось реестрын, вежөм йылысь, а сiдзжө категорияяс серти юклөм объектсö реестрысь киритөм йылысь уведомлениеяс;

босьтö Коми Республикалөн топливно-энергетическөй комплекса субъектьясянь топливно-энергетическөй комплекса объектын оланпас торкалөмөн ыршасьны лоны вермөм либö ыршасьөм йылысь юөр;

7) збыльмөдө вөрөн вөдитчан юкөнын верктуя инвестиционнөй проектъяс сфераын уджмогьяс, кутшөмьясөс «Вөрөн вөдитчан юкөнын верктуя инвестиционнөй проектъяс йылысь да Россия Федерацияса Велькөдлан котырлысь öткымын акт вежөм да вынтөмөн лыддьөм

йылысь» Россия Федерацияса Веськӧдлан котырлӧн 2018 во урасьӧм тӧлысь 23 лунся 190 №-а шуӧмӧн пыртӧма Россия Федерациялӧн субъектыясса канму власьт органъяслӧн уджмогыяс лыдӧ;

8) координируйтӧ Коми Республикаса олӧмӧ пӧртысь власьт органъяслысь да Коми Республикаын меставывса асвеськӧдлан органъяслысь предприятиеяскӧд да организацияяскӧд природнӧй биаруӧн моторнӧй ломтас пыдди вӧдитчӧмсӧ паськӧдӧм вылӧ веськӧдӧм мероприятиеяс збыльмӧдан ӧтувья уджсӧ;

9) отсалӧ пыртны Коми Республикаса вӧр промышленность предприятиеясын вӧрӧн зумыда веськӧдлӧмсӧ ас кӧсйӧм серти сертифицируйтӧм;

10) нуӧдӧ Коми Республика мутасын съӧд кӧртулов, рӧма кӧртулов жуглас чукӧртӧм, видзӧм, переработайтӧм да иналӧм вылӧ лицензияслысь реестр;

11) дасьтӧ мупытшкӧсса озырлун: углеводороднӧй сырьӧ да из шом (водзӧ – мупытшкӧсса озырлун) куйлӧдьяс перйӧм вылӧ проектнӧй да техническӧй документация сӧгласуйтӧм серти вӧзйӧмьяс;

12) мониторингӧ мупытшкӧсса озырлун куйлӧдьяс перьян серпассӧ, дасьтӧ му пытшкӧсӧн вӧдитчысьясӧн проектно-технической и технологической документация збыльмӧдан окталунсӧ доньялӧм серти вӧзйӧмьяс;

13) пырӧдчӧ Коми Республикаса топливно-энергетической баланс лӧсьӧдӧмӧ.